

安雅堂稿卷之十五

華亭陳子龍臥子著

箴

百官箴

箴者所以補上之闕不忘警誡而歌誦之類也
召穆公曰師箴聃賦卽周禮大宗伯之屬小師
瞽矇之職歟周辛甲之爲太史也命百官箴王
之闕傳載虞箴焉則是百工庶尹皆得以職事
進規而師聃諷詠其辭歟漢楊雄作百官箴而

箴

崔駰崔瑗胡廣之徒補之存其義矣時代既隔
命官間殊而獻誦之旨弗彰其何以示交警而
存忠敬作百官箴

殿閣大學士箴

大學士官五品然於今爲政本
時兼孤卿之秩雖無相名實輔

弼之任也
故首列焉

聖哲維君英賢作輔前有風牧後有臯禹咸有一德
平章九土百工其凝三辰順序端揆之地樞衡之府
大明通變監古圖治罷建中書六卿分寄枚枚庶
績孰總綱維柄茲禁近疇能不歸翼我王度成憲允

釐出納帝命百僚軌儀招乂惠疇亂此烝黎母曰任
輕爰職論思母曰權微實襄萬幾以匡以拂上下時
勅苟有好將順必生讒忒同甘相濟其何能食公餼是
覆而見沫以蝕輔臣司政敢告丞弼

吏部尚書箴

赫赫元宰實統邦治翼亮天工總齊有位輝輝上垣
斗衡之次允元顯良以熙帝載有摯有且殷周之懿
官人辨材表正於內祿無嘗家惟才是置爵必稱德
楛必量勩母哲狂弗明而順於爾志母私暱是與而

俊又不試在昔知人帝其難之惟平惟一弗競弗岐
苟違厥嘗百度失維是故詢不可不廣斷不可不專
莫艾於得士而莫妖於蔽賢召虞馮翼鳳凰傳天師
尹秉均姻婭用讒冢臣司鈞敢告執銓

戶部尚書箴

蕩蕩太師陳嘗以辯迺立地官慎徽五典實職三壤
版圖孔衍財賦有經稼穡是本術入爲出節豐弭診
易稱損上其道大光助徹之制國用乃嘗言利旣興
是削是攘閭巷愁嘆侈然太康崇墉堅樞每爲盜藏

民力如馬馳過必蹶曾是朽索而不柔其轡姬陳無
逸成勤農事榮夷專利胡以流彘節已裕人惟民之
帥彼昏賈怨卒用殄瘁度臣司會敢告執計

禮部尚書箴

逝矣伯夷作虞秩宗典茲三禮神人乃雍肅肅園丘
實實寢廟執事有恪展爾敬孝納民於軌是則是效
物有等威情有畛域懋哉惇庸平我邦國二簋可享
蕡桴何律後世忘其雝雝而守其漆漆以此坊民是
用弗率是故禮不可以太簡文不可以太縟詩歌相

鼠記譏澤鹿祝融不祀夔社遂墟魯饗爰居三策載
書楚不望河而幸有號巫衷正惠和上下永孚宗臣
司儀敢告執蒲

兵部尚書箴

茫茫下土分爲九域匪文弗附匪武弗克乃建司馬
九代是職國有樊衛師有紀律烈於猛火如雷如霆
夷彼不順耀德明刑自甸訖荒萬里永清觀師上六
小人致誠鷹揚翼武牧野大介休父陳行而淮人以
敗惟明明后毋以寡德而干戈是崇毋以狃逸而車

乘勿攻旣不能偃又不能雄竭財耗國動而國功苟
非方召孰寄闔外神武不殺厥威乃大彊臣司兵敢
告執旆

刑部尚書箴

明允司寇秉邦之憲儀天作刑嘉師歸善惠矣唐虞
畫象而勸衡情麗法惟寬是務期於無刑而遵厥路
三辟之興皆繇末祚穆以耄訓晉以亾鑄晚造益酷
參夷及孥寘於叢棘而密其秋荼赭衣塞道群盜盡
呼故君人者毋曰民頑非威莫禦毋曰我尊卒莫予

侮獄不可久留罰不可飾怒紂用炮烙太白在羅秦
任獄吏伯翳不嘗明明天鑒好生允臧李臣司禁敢
告執綱

工部尚書箴

鴻蒙八紘孰平水土丕顯有虞司空伯禹今主將作
實兼少府庫有藪澤崇有原圃高高下下豐物安處
峩峩觀闕是斷是度王公設險百雉爰作坐論藝事
稽省勤恪後世作爲淫巧以導奢逸漚其溝洫而雕
其宮室楚築章華乾谿不卒秦營阿驪神母夜泣人

曷患於陋而嘗患於侈雖有峻墉深隍不若得士故
舜造漆器七臣諫止紂爲象箸而狂彼箕子共臣司
繕敢告右史

都御史箴

天庭太微布象孔明煌煌執法列宿所銜亞相作輔
綱紀是經邦之司直其威莫京百僚振肅朝右聿清
野有封豕國有姦宄如彼猛獸藜藿不採如彼鴈鷓
以逐無禮任此貞剛宏我風軌苟俾回適變亂朱紫
毋縱大憝而務毛舉毋侮矜寡而吐彊禦方外惠中

總持彙憲弗好訐激弗庸畔援錯以刻殃湯以佞術
臺臣司綱敢告侍殿

通政使箴

魏魏宸居穆穆濟哲惟北有斗爲天喉舌龍作納言
夙夜無斃獄生山甫四方爰發雖有聰明載誨載咨
雖有宏攬載考載稽故禹拜昌言而舜畏震驚朕師
聖謚宣善慎爾樞機萬里之表密於郊畿蓋幾不可
以不審命不可以不申後世或尊其君或疑其臣惟
猜是崇而不驗不詢官無嘗守政非一門殿廷成市

而無稽屢聞邇言是聽小雅致譏秦人稱朕而盜起
不知史臣司令敢告綴衣

納言卽周
官內史也

大理卿箴

雍雍有虞皇帝清問苗民鵬義弗率彝訓咎繇作士
五刑其慎惟周之盛察聲求情三公叅聽三宥乃成
曷不專任民命匪輕欽哉 皇明奉天罰罪旣設司
寇又設大理豈求備官敬刑之旨克思平反清我狂
淫惟官惟貨是過是改比于何以誅巷伯何以官孰
讞斯獄而直不聰匹夫銜寃戾于上穹子羔樹德卒

有後祿延年苛死厥母不哭居上者毋好文深而日
予明毋任刀筆而日予平澤風允孚雷雨乃盈尉臣
司律敢告執衡

太常卿箴

煌煌奉常禮樂之司克贊春官爰領群祠在昔唐虞
肆類禋望有夷有夔郊壇翼翼薦紳祁祁有壁有琮
有屏有彝既奏韶舞而百神以宜韶舞惟何秋秋朱
禽衍我靈祇樂帝之心上下諧暢遠流德音古有九
黎幽明相濟矯誣雜糅薦淫邀福巫非其巫祝非其

祝有商之亾厥音荒傷師涓靡靡濮水湯湯無射不
和而景卒以瘁苟失其度實興妖祥禮臣司祀敢告
執璜

光祿卿箴

周官膳大爰職王饗辨味輔氣以衛厥躬實惟上士
是正是供薦饗有采燕勞有經百神以款四夷以賓
遂重其秩進於列卿醢醢酒醴各有宣助不典之差
口實曷御需以貞吉而朶願何慕在昔聖王誓御僅
人罔非吉士平其心志用戒淫侈禹旣尚非湯亦惡

旨商辛極欲恒舞恒歌鮪水之戈酒池不波甲子之
醕安用肉圃齊任易牙而小白以露宰臣司饌敢告
執箸

太僕卿箴

桓桓大正總司群牧噦噦將將乘黃孔淑五時旣駕
以祀以朝肅將待警奉引不囂整我四牡建旗設旄
我王于田三驅是昭閑閑在堦有驪有騂比物克諧
四征不庭伯冏之命側媚用懲衛有駮北而塞淵以
稱匪以逸豫守國有經昔太康尸位十旬洛表棄其

和鸞而逐其茂艸穆王肆心祈招始寤太宗却馬明德永慕僕臣司乘敢告執御

詹事箴

明明元良萬邦之本黃離著祥七鬯是典弗懋於學德行曷顯乃立官寮式我王度匪端匪貞莫與攸處溫文是輔虔恭無斁三善之原讓齒微傳所孫非貴謙牧者尊所少非富損之者在爾翼爾彌以道自嚴庶幾起敬德養乃全高學甘盤而成憲罔愆左周右召成以繼賢惟彼季葉事不師古恃其崇高而師臣

爲伍預教旣衰邳隆靡覩故三代有道之長是則是
矩秦任法律而卒顛奄豎省臣司詹敢告庶府

國子祭酒箴

烝民秉彝匪教弗率煌煌辟雍四方是則聚材興賢
弘此三德在昔隆周有序有庠爰立師氏以媿詔王
闔閭門子斌斌彥良鼓篋旣張琴瑟在旁勉茲正業
觀國之光非德非舊曷足以匡母師道不立而曰俗
頑毋敬孝不訓而曰才難昔武王營鎬京而無思不
服魯侯在泮淮夷孔淑牖民柔遠不疾而速後世豈

缺其更老而荒其長育鄭廢學較詩刺于於秦人憐
阮而咸陽以傾儒臣司教敢告執經

順天尹箴

鬱鬱幽州柝木之津帝京所宅在昔旬服鄉遂分畫
爰布監牧以視侯伯漢氏弘綱樹揚風軌誰治郊畿
京尹內史清我輦轂戢彼姦宄煌煌都邑四方是維
豪俠盤錯而貴戚是依客土浩穰氣雜民疲非威苟
肅非惠苟綏簡不可以失御密不可以摘微稽古三
代武冀或雍體國經野莫不先京師而及於諸夏柔

遠能邇以永純嘏枝葉未害文主以容中國不惠而
王室遂卑尹臣司隸敢告執圭

鴻臚卿箴

翼翼帝宮象於紫極九重內固千廬外密有朝有廟
職用嚴謚后在路寢群公蹕蹕鐘鼓旣作廷燎載揚
肇建元祀四夷來王廷設九賓以引以匡非有通籍
孰啓侍衛非有宣贊孰整以治允尊國體而等威不
替在昔重華賓於四門周制象胥而我狄以惇夏殷
之季狎侮小人逋逃是藪而忘其君臣式號式歌晨

暮卒醒周宜晏慢而墜其中與臚臣司客敢告在廷
翰林學士箴

燁彼乾符玄文垂顯溫溫太史掌邦六典謨謨有章
圖書有辨辭尚體要言文行遠皇后典學必資多聞
稽古之士以沃我君君舉必書曷用回飾彰信萬禩
後王允式自昔軒轅爰命史官乃祖乃倉文王壘壘
而甲旣在旁佚以直崇聃以道藏降在列國克守其
謨魯革楚倚齊南晉狐故韓宣興曩而春秋永孚伊
茲諱朝惟譽是懌赴告不明是非孔逆成災其罔或

喪其籍賢臣流離而故府湮缺侍臣司記敢告執策

尚寶卿箴

浩浩驪粟物無詐虞繩契既設乃有璽符舜班五瑞
群牧載趨周制掌節萬里以孚以祀以封各有攸主
徵發聘問遄行無阻或金或玉或龍或虎夾城禁闥
衛士期門非旌非契而姦曷藩是故聖王守位懋敬
慄慄慎持其寶而奉天以勅彰信下土永鎮邦國秦
愚黔首不采不章琢荆之璧以誇壽昌高矯僞詔扶
蒙遂殃真人翔灞解紐而降尚臣司瑞敢告奉璋

給事中箴

猗與明王好聞已過縣鞞置鐸昌言無方工瞽是恪
乃立司諫拾遺帷幄流壤之納成其高深豈其無愆
貴於能更人莫不繩其木而不繩其身莫不鑒於水
而不鑒於人赫赫上帝其尊曷倫賞之使言而怯者
逡巡薄言震疊默默盈庭詣佞日盛與亾爲隣昔有
癸辛醢逢剖干自謂如天卒莫予戮朏朏滄滄而上
下以般正直構棄巢牧不還衛巫是監卒流於外秦
禁誹謗終隕昏昧諫臣司過敢告耆艾

御史箴

御史雖爲憲屬然以風紀之司糾彈不須關白長官故不統於大夫一箴

肅肅御史實司糾繩恭毅以塞允端允平疾惡如風
奸宄是懲凡厥權佞必怙奧寢匪任搏擊孰遏斯朕
邊惜其身惟邦之靖萌芽弗絕斧柯則梗使命於外
百城震警黜逐墨穢破誅豪俠詢民之疾而是宜是
徹是故后雖聰明務廣耳目慎防壅蔽以警臣僕官
府永清遐邇咸燭彼狂輕慮偏聽弗移有讒不見有
賊不知朝無忠貞宗祀必危趙高指鹿亥敗望夷頌
莽載道炎精中微國曷嘗凶於疎賤而嘗害於近貴

憲臣司劾敢告執解

中書舍人箴

中書政本古稱機衡舍人要職入叅國經歷代委任
或重或輕潤飾王言惟官之典苟非才雋其文弗顯
國有詞命王有訓誥服我聖謨彰我文告居室以善
千里奉教明如日月而渙夫大號夙夜出納弘宣帝
道蓋言者動於天而應於人安可以不誠姤以施命
而重巽風行得說乃雍實代武丁仲虺敷築矯誣布
命慎爾出話而武稱睿聖舍臣司詔敢告執政

行人司正箴

恢恢六宇天子是維凡我友邦以訖喬夷不詢不宣
孰懷以綏周制大行典容之司聘問朝會四國賴之
大夫出疆和懷靡及咨才咨義布揚休德毋畏強大
祇取辱國毋輕小弱而賂賄是殖奉禮持義數世蒙
祐苟其失辭而速以致寇故穆子知禮不拜金奏韓
宣買環國僑堅守是故明王慎遵舊典而簡才以任
詩美四牡而春秋戒求賄求金使臣司賓敢告執琛

太醫院使箴

營營生民外有沴氣內有感志仁哉有熊爰始宣治
審驗經絡疏辨食味周制疾醫四時砭劑衛此烝黎
以除瘥癘厥初上古民皆壽考心和嗜寡而導養以
時後人妄嘗不衷不儀長夜淫洒而惟內是私神明
荒塞血氣垂墮雖有鴻術望而疾馳是以君子居室
清心疑慮非禮弗飲非時弗語多親賢臣而遠夫姪
如故上醫醫國而錫之永祚枝臣司方敷告夕御

欽天監正箴

稽古高陽南正司天堯命羲和以儀上玄仰瞻玉衡

分至不愆三垣式序各正其躔靈臺戔戔係章秩秩
 雲物在郊是占是測眡覯稜氛而有位以勅爰求厥
 應修刑修德毋恃易行無德罰以危毋震熒惑善言
 遂以移高高在上而昭鑒不遲孰敢戲豫慢其明威
 故俶亂天紀胤侯是征禪竈多言而子產弗徵蓋妖
 祥玄遠而應天不以文曆臣司象敢告在隣

星傳五
星合為

易行有德受
慶無德受罰

上林苑監箴

瀼瀼川原或崇或衍草木條暢鳥獸肥毳豐茂群產

以供禮膳民有芻牧國有蒐獮網罟以時物采有辨
禁制不設上下饒腴在昔帝舜命益作虞文飛盤田
靈囿用敷岐陽之獵徒御晏如厥有禽荒嚴其禁禦
斥其林囿或軒其鶴或圍其虎竒木珍禽萬里來處
古惟虐受汚彼稼穡而侈夫陂池桓桓熊羆卒驅象
犀故包山瀾谷是圍是守不如殷殷樂我君囿苑臣
司衡敢告車右

兵馬指揮箴

業業神京經塗九軌百雉重闔前朝後市萬方懷來

既履既視卒有柝厭吏有繳廬詰姦聽訟靖我國都
狗吠之警馬風之逋官司所守是究是圖貴臣右職
弗問弗誅在昔盛時不擾市獄豈縱無良大體不數
迨夫末季政事愈感閭巷諍語秘獄以鞠罪至鬼薪
而罰必躬親故人君攬綱毋防室皇而忘夫八垓毋
嚴攘竊而寬其盜臣書戒叢脞詩貴大猷是經較臣
司城敢告執兵

武學教授箴

溫溫三代才良式序入爲卿士出董師旅武有其文

文有其武疇能干戈而不搏俎迨世流降官局漸分
名雖異方實則同源苟非忠敬何以治軍黜黜胥子
禮樂是遵知禮則讓知義則親作彼樊衛爲國虎臣
維此且兔備文四友郤縠詩書而執荆之醜荆楚之
強世長南荒子玉無禮而城濮以戕士未施教職我
疆塲必逞其剛不霸不王訓臣司士敢告戎行

疏

五臺僧募造大士像疏

五臺僧翔空自并州走燕齊南渡江並海上過予于

聞所欲則自某有塔院在清涼之山成矣而未
有像也不憚走萬里求百金爲大士像君爲我
一言予曰嗟乎人其與子哉夫天下盛衰之事
無嘗勤者日益之惰者日損之觀於翔空之
所爲其有憂患乎我聞五臺神靈之區宅方
域之壯觀南擁汾晉北跨朔野元魏以來訖
於趙宋梵宮琳宇代有哀建延一所紀數
動盈百至於皇明神祖臨御頗崇帝釋之
觀爲長樂宮祈福而五臺居神京之右近
乎郊畿風幡螭匣賜無虛歲朱楹碧瓦之
飾玉鈴金鐸之聲雖

漳鄴三臺洛陽諸剝無以過其宏麗也夫嘗晉之盛
時禾黍被野牛馬盈谷河東鹽筴之賈雁門將帥之
家出其餘貲足以幻造人天丹山繡壑矣洎乎白馬
橫馳黑山嘯聚旗滿潞川血流河曲以至香臺寶座
之間積雪飛雲之所高壘結於層崖一炬等於阿閃
而往時之景不可復識矣若翔空所求者毫末耳而
跋涉山川營之外境以是知三晉之貧至也夫山谷
深邃臺殿高涼方外之區猶嬰酷烈何況人民城郭
耶太原曲沃內寇旣深代郡雲中胡塵繼起屋廬焚

煨必甚於神宮之劫也黎元流離必慘於僧徒之散也嗟乎觀宇荒落披荆營建此賢僧之責也閭閻蕭條撫綏生聚此賢有司之責也今觀翔空之所爲可不謂勤乎吾不知三晉之有司所以保釐斯民者皆能如翔空之構蘭若營像教否耶則盛衰之際頓還舊觀蓋茂弘所云無往而不可也世之君子當必勸人之勤而惡人之情則翔空所求將不日成之矣

碑

重修青浦孔子廟碑

青浦縣北七里舊有孔子廟蓋隋大業中孔子三十
四世孫禎宦游於吳因家焉而立家廟又藏先聖永
冠環壁封之以爲墓世世奉祀厥後孔氏移散學者
聚爲講堂代有修飭無廢萬曆戊申郡邑長吏虔用
加飾於今三十餘年廟貌日圯鞠爲荆榛諸生陳功
曰凡祭有其舉之莫敢廢也憫夫夫子之遺迹視焉
將墜於地惟我邑宰吳侯惠和慈讓深崇聖軌惇典
敷教以禮柔民慨然悼道之缺失豈視其毀蕩而不
共於執事盍奔告焉侯聞陳功言星言夙駕爰至祠

所祇相蕭稽節用搜羸百工旣具迺作新宮堂序唐
垣咸廓舊制侯又設笙鏞簫管定籩豆殺楛以春秋
之月應 國家祀典率群吏師儒訖諸生徒釋奠於
先師邗邗翼翼觀者興嘆又將廣立施舍儲置餼廩
使諸生徒歲時習禮樂於中嗚呼侯可謂能舉廢植
學佐 明天子欽隆聖道者也或曰墓之有衣冠也
禮與日不知也嘗聞之軒轅氏矣適異國者可以祭
乎曰祭哉古之國君嘗載主而行矣孔氏之子孫散
在天下而豈能盡壇於闕里此未可以諸侯不祖天

子泥也然則孔氏之私廟而作嘗祀何居曰人之事
孔子也猶臣事君子事父也是墓也其猶杯棬弓劍
乎哉夫聖人之道無所不在而學者必有所寄見斯
感感斯慕慕斯樂樂斯化是爲善教也已陳功之首
謀也鄭詩有焉曰青青子衿悠悠我心吳侯之正祀
也魯頌有焉曰思樂泮水言采其芹是宜勒豐碑銘
廟門彰盛化告史氏銘曰

顯燦宣聖道瀾六宇厥裔東遷宅神斯游作廟孔頌
馨我稷黍烝我髦士游息有序末胤失業旅楹日窳

豐其茂艸喪其鍾簋枚枚新宮吳侯所成度立布筵
克仇克京自堂及廡有寢有庭繡綬旣戒祝圉爰陳
表齋展器以告爾誠圭瓚在纁虎彝在祊誰其尸之
吳侯所寅神之來格其從閭閭麇裘逢掖旂章淑明
威儀肅穆牖我後生崑山峩峩三江載淥瞻望東魯
企予所矚楚棘斯拔有蘭在谷迺瑟迺琴咏言伊似
神胡祐女錫爾善俗神胡玉女德元多祿發揚聖謨
寧我王服帝賚其勛溫溫琬玉昂哉守土以似以續

松江府修築西倉城碑

松江今城築於僞周方九里有奇其規制不當一上
邑而以濱海地肥饒比大郡嘉靖中嘗一中倭而自
此益安樂無事生聚日繁城小人衆兵志所戒 皇
帝之十有一載詔天下郡邑吏修城隍豫維禦太守
方公議展西隅以蓄衆惟是筮龜卿士之謀未協迺
止出城西門歷闔閭而西五里周文襄巡撫時築城
焉每歲儲漕米以待運號曰倉城實郡之右輔也城
周不滿二里而以歲久不治基址圯土石墮上無睥
睨門無閘闔方公曰俟予之謀廣厥城也夫豈不元

率額以弗從予能獨居乎事莫大於因旣作法而肯
構人其予議且國儲寄焉自冬徂春而始發是猶露
困也不寧惟是去郡之里五而孑然之一壘守之則
藩屏也棄之則營壁也我其敢忼激繕之以盛我民
數千戶爲扁鑄矣異日有戎事大城犄之小城犄之
其何弗固昔者張儀之伐蜀築小城二以衛大城赤
甲白帝先主之所拒吳也西陵陸大司馬所謂因西
門也是不一城唐韓晉國石頭之城凡五而宋亦尙
襄樊爲夾輔夫孤弱則輕聯絡則重形勢自然權家

所尚豈其爽歟于是發帑搜羨聚材鳩工以孝廉宋徵璧之文敏而多識也與定謀議知大學生陳于階之能識度數暢防捍且惇信也與正經制知庠生夏之旭之多心計可以宣物定功也使董其役以庚辰季秋始作其規伊匹其功倍前木石坯甃咸選上質既成量袤 丈有奇高殺郡城九之一主輔之體也城西北故倚市河爲濠鑿其東南周焉而設水門二引水於城中濟河貫之城之上四門各有樓其西北闕衝也築臺高數丈儲矢石火器用戒不虞中設

解署使裨將守焉富民商賈之入居者爭先恐後是役也爲期百日計費五千金用徒 萬 千人子龍爲之銘曰

帝念黔首詔飭捍禦用戒復隍惟此海邦居吳之東
泰寧是嘗以蕃以聚市廛不蓄議斥其旁謀夫未協
以俟懋和廣爾巨防眷彼兌位曰司徒忱于焉版築
以庾以倉以資轉輸儲我百穀歲久而廢或剝或夷
或蝕或覆樗穀叢生牛羊來遊緘滕不肅方公咨嗟
實翼茲郡其敢廢工迺物土方選材量事而計徒庸

築之馮馮衆志所成不日而同陶埴伐石旣堅旣密
屹然崇墉鑿池孔浚畚鍤如雲新流渙渙引水內濬
一縱一橫其形如貫百步一譙十步一舍赫矣屏翰
峻臺望輝用藏甲仗上聳雲漢士女燕喜商旅歌舞
願以帑遷廬斯室斯寇盜衰息日庶月圓郡有右臂
爲輔爲毘以永無騫如齒有唇如車有輻於萬斯年
奕奕吳淞實惟望郡在揚之域衛君守民不厭重險
非嘗以戢煌煌 詔書建威銷萌守邦之職我城我
池方公之功 天子之德

贈太僕卿忠諫黃白安先生祠堂碑

在昔天啟之季士有正直耿介危身奉上與諸君子
死於闕禍者曰姚江白安黃公公諱尊素字真長別
字白安其先江夏人漢太尉瓊之後也徙於四明者
十有六世遂爲餘姚人公少而卓犖自命好讀經史
不得志以周易講授茗雲之間學者日衆舉進士拜
寧國推官清直自勵益無餘粟持法斷斷不畏高明
上豪強宗無所縱舍章程條教咸爲後法秩滿應召
單車就道不謁權貴遇御史大夫鄒公長揖而已鄒

公顧獨重之曰此必骨鯁臣也甚相稱譽授山東道御史當是時闡寺保媼凶德參會表裏亂政饗諷之士陰相附離公與楊公漣魏公大中諸公正色立朝清心疾惡以進賢退不肖爲已任時老成去國相繼於道公上疏請留文以災異請諫魏客以應天變中旨予秋蒲坂韓公力救以免又合臺省疏諫中旨傷政體公爲之倡又繼應山獨劾逆阹辭甚峻惡適萬郎中以諫杖歿公又首疏力諫廷杖非制時臺省皆入內閣會議內侍數百人環噪詬詈公厲聲叱之曰

內閣禁密地卽司禮非奉 詔不敢入汝儕何得干
亂法紀衆乃引退此則李較尉氣懾常侍盧尚書持
戈闔門不是過也中州出玉璽廷議開大明門迎入
之行受璽禮百官表賀公引宋詰宗元符改元及弘
治中故事以祖宗有成憲當法事得中格嗣後國事
彌感黨禍煩興南樂涿州相繼相用內外膠轄婁起
大獄緹衣四出諸君子檻車載道矣茲黨李魯生曹
欽程誣奏公以媚闈削其籍闈意尚未滿又授書其
黨闈使李實劾公及周公起元等七人里居講學爲

不法有 詔逮治使者至吳爲百姓擊歿失其 詔
書公聞變卽間道走京師自詣獄許顯純等雜治之
榜掠數百五毒備至公慷慨正辭意氣不屈卒以闕
旨害公於密室其事秘莫能詳也自公入獄至遇害
京師地震朝天宮災王恭敞地裂殺民數千風靈四
塞大淫雨不止災變之多近世所無也明年 今皇
帝卽位誅元凶斥殘穢贈公太僕寺卿賜祭葬有司
建祠於餘姚縣西寶石山之陽歲以二仲祀之中半
夫公忠以事君諒以取友貞以立身清以範俗正而

蒙難圖國志就所謂以死勤事能捍大患公蓋兼
之矣是宜奉祀與敬表方垕永昭景烈銘曰
忠必危身節惟授命正直是與秉心無競玉質溫貞
松標孤勁憲憲黃公天篤其慶學斯成市治能流咏
振羽中臺邁茲靡定伊戾勃貂趙姚王聖宵壬望風
老成是屏竊杓蝕月群撓阿柄公言維服灌灌以諍
志清天網忘其機筭北司黃門吹氣成虹睥睨機禁
凌轢三公公奮義辟折角摧鋒群小知歛朝典猶崇
漳河之濱寶玉來同態臣獻瑞告廟銘功公引前誠

憲章 孝宗不寶白珩而善人以庸天地旣晦君子
道窮飄風烈烈何山不童猘獠其牙樁此鞠凶狼莠
在廷薰腐在宮二難交作人國以空公之就訊熙熙
北寺三木麗身五毒咸萃蒙難而安群賢畢至演易
授書高談竑議困不忘仁險則思義所以斯文不墜
於地突如棄如寄此獄吏碧血橫流黃墟永閔遑恤
云亾實悲殄瘁昊天疾威坤維失位烏焚其巢民喪
其衛厥災恒雨終風且曠維彼驕人戲豫無忌我
皇受命整齊天常流驩戮愷愷寓宇重光式閭表基顯

忠褒良爰作闕命三錫雲章建此祠宇備爾丞嘗落
星磊磊姚水湯湯前堂後寢鬱鬱神房牲牲伊碩黍
稷惟芳有司在廟工祝在祊亦有喆嗣思慕徬徨靈
之來思鸞舞龍驤福我蒸黎彝倫孔彰永爲臣範千
禩無疆

明中奉大夫山東布政使司右布政使七澤張

公神道碑銘

公諱所望字叔翹世爲上海人祖曰某父曰某皆贈
中大夫母曰贈淑人沈氏皆以公貴故公固大夫公

季子也孝友淳固通敏閱博高識之倫許爲重器童
而夙孤篤學孫志周覽儒術有聞於時以進士高第
拜刑部郎惟寬惟敬官反不行詳求審克務協於憲
尚書以下皆倚以決事尋以 冊立東朝賜書藩國
公使襄榮靖江三藩筐篚之將不納於館禮成而返
罔淹時日 諸王敬嘆焉已而出守衢州公懷保和
惠宣布柔嘉愛鞠黎元消塞姦宄四境清肅不威而
治衢民健惡好訟厥有亂民爲兩造師請張謫變以
競其巧庠序不率士緣爲奸株引詭昌衡決勝負公

鈎距叅伍舞文之徒咸有主名寸牘畢詞知出誰手
諸儒生徒絕跡公府犯禁而入不能短長俗以大變
至於析疑獄舉廢祀急病省災興賢葬義懿錄之美
不可勝紀 神祖嘉乃績擢公備兵蒼梧荒裔之區
法令弛墮官吏曠希無有綱紀公剔穢振廢補隙裁
濫簡屯戍耀軍實修城堉覆倉廩縣車束馬躋跋險
阻觸冒霧瘴芟辟篁箐窮山炎谷始知漢官條教章
程比於中土內備旣修遂綏方外獠人愚悍爲吏所
欺旣懼且憤用是弗靖公懷之以德懾之以武文告

坦白懷而慕義有羅暹筭者自阻溪峒聲教不及報
怨專殺戕擾熟夷公旣撫諸蠻威信大行馳檄布諭
革面請降願爲編戶輸賦縣官此則公以文德救寧
我南服也己而進叅政鎮左江兩江土司情態各異
右江患強左江患弱強者抗逆國淪弱者役屬交南
公旌別淑慝風示以義權衡輕重撫御以機遷隆峒
土官以爭位仇殺累年公督上思兵討平之或謀郡
縣其地可得延世之賞公不矜其伐誅暴戢良因俗
制宜爲之立後此又公之武功不叙苗民也於是修

治議法與民更始削淫刑之具鋤育蠱之家定尉
之制絕苞苴之門蠻方陋風盡革其舊尋遷廣東按
察使公志在山澤不赴歸里又以本官督滑湖廣轉
輸上流飛輓京國飭已惟廉趨事惟敏屬小疾自投
劾歸歲餘復起山東右布政使公隱棲彌確敦趨不
應卜築林澗翫道丘園其家居也孝友爲政稼穡孔
勤顛痿待植戾狠化讓不引避以爲厚不激昂以爲
直是以君子仰其範小人歆其德著書純雅依於典
訓好學勤諗老而逾篤公可謂敬以服官恪以持身

始終不渝者矣崇禎八年正月卒於家年八十葬揚
溪之北原公次子積潤請予爲之銘曰

顯允張公長民之主探贖含文秉剛孔武翼翼鸚鳩
肅肅憲府欽哉惟恤嘉師是撫出牧姑篥惠懋用康
旣保乂德亦糾亂嘗下民風動率履斯臧錢罇匪懈
造俊思皇桂林蒼梧職方荒服蠻夷雜處氣候炎燥
義問宣昭辰告和淑鴟革豚孚內首羈畜爰有愒淫
阻命弗賓公奮其威誓我王人架入其險師旅鞠陳
大憝允戮汚俗惟新百粵底定澤流外臣 帝嘉厥

勛司憲南海公志中陵懷馨蘭茝徵書在里遁思不
改簡命再起實職楚漕浮江引漢貢賦以饒敬共夙
夜六軍無囂微疾遂初東歸逍遙錫茲青社保釐齊
土永矢弗諼治我場圃睦媯忠和從容規矩鄉有碩
人邦有良輔公之絕學覩物知名淳德內耀高伐外
明溫恭御物義塞持貞吁嗟殞沒靡法靡程鑄此金
石永式後生

墓表

孝廉白餘顧公暨元配徐孺人墓表

顯皇帝時吏部侍郎錫山顧端文公暨弟尚璽公以直節醇行倡明鄒魯之學海內宗之從子孝廉白餘公相與講誨深探聖旨仁篤恭儉不言躬行緇於疾嗇於年不及仕以大彰於時沒七載而元嗣蕭山令芬葬公於蔡郎山之陽而屬子龍表其墓公諱與浹字夾之別號白餘考曰光祿監事涇白公端文尚璽之見也涇白公忠信直諒仕雖不顯而競爽有聞娶曹孺人實生公云公嘉表性成和順內積蒸蒸雍雍終始靡間涇白公嚴不敢以非時見而奉承歡心如

晨夕侍者自父之卒蓋終身爲孺子慕兄弟友愛推
腴茹瘠公率先之訓其異母弱弟內誠而外毅學用
有成此公之孝友天植六行允備者也家有宗哲是
範是式其師資也則澄江繆諭德其所取友也則茂
苑文殿學姚詹事虞山錢宗伯同邑馬太史皆天下
賢士非其人不輕與接此公之正業輔仁道兼廣峻
者也萬曆之季黨議漸起邪人有毀端文公僞學者
并指及公公嘆曰君子不爲小人之洶洶而易其行
益自矯厲揚善疾惡獨立無懼學者恃之至 先帝

時奄人鴟張清流塗炭繆官諭之檻車徵也公遠送
之高忠憲之沈淵以沒也公爲文以哭之皆慷慨奮
迅無所瞻顧此公之蘊義伏節名教自任者也公膚
敏先覺冥通微言鉤貫百氏鬱爲儒宗又窮覽史籍
上自繩契下至胡元綜條刊摘各有端類斷治亂之
綱定是非之際秩秩如也至於 皇朝政典舊學掌
故雖在幽微罔不搜彙沉疾之中未嘗少息此公之
洞博典墳學爲世用者也夫養志因心則子騫伯淮
之孝悌也親師定交則季路之拒惡元禮之簡亮也

篤信亢志則景毅皇甫威明之節概也多識敏文則張子孺劉子政之淹閱也當端文公講學之時海內士大夫連鞞擊轂霧會於東林之上其名儒善士何可勝數他若影附而養譽者陽竊其聲以取世資夷考其素實與道背或生平慕之勢移時易則浮沉以求容甚者諱其師友以避株引嗚呼學者非知趨之難篤守之難若公之親承庭授有高才盛德不因以邀赫赫名退而潛修其行塞淵純備可謂信道君子矣是宜表無愧舜元配曰徐孺人有婦德早卒今祔

葬公墓子四長卽芬次棨次杲次霖其生卒子姓俱
詳誌狀中

明故亞中大夫瀾江布政使司右叅政魯源楊
公墓碑

今上皇帝之二載浙江布政使司右叅政楊公奉表
入賀至南徐疾作且請急矣聞虜寇畿輔公曰是不
可退力疾至德州卒焉又九年公子孝廉文驄葬公
於金陵之陶吳進士墩而以隊道之碑屬其友陳子
龍謹按公諱師孔字冷然號魯元其先自吉州元末

有官雲夢者遇亂因家焉事陳氏高皇帝征漢以城降授千戶從征蜀有功調守黔黔陽遂有楊氏也其後世以武功顯陞都指揮使數傳生淮淮生均均生封參議雲衢娶贈恭人胡實生公萬曆辛丑公舉進士授山陽縣知縣再舉卓異丁未擢戶部主事黃侍御者有所望不獲劾奏公當外補公乞補學職得順天府教授庚戌加翰林院簡討充福王講官丁繼母憂繼丁封公憂公甫歸而前劾公者適拜京兆復劾奏公當補外丁巳補昌平州學正巳陞國子學

於中州時魏闡擅政令天下富民入粟補博士弟子
員公不可捐學租數千金助工而寢其令會幕府檄
公攝兵事則使人徼曲靖之師夾攻安酋敗之卽滇
士人皆以公爲知兵矣而公亦雅自負及在臨沅土
舍普名聲上謁旣去公目送之曰是有反相必此人
也禍滇者其後果然在枯蒼時山海之寇方弗靖公
截茅剪蔓東境以肅支運盡瘁遂至不起嗚呼公可
謂清標絕俗遇事敢爲者矣公孝友醇至年旣五六
十言及先父母猶孺子慕也性寡取而好施士多得

其緩惡者生平無姬姜音樂之好特嗜書史旁及山水鼎彝幼在僻壤鮮典籍公旁搜默識蔚然可觀治滇時悉捐贖鍰取經史百家之書置閣庋之又作板焉南土文獻之盛自公始也是宜銘其辭曰

有明受命江漢來王義士自拔用裁我疆顯功井絡移填炎方遠條數葉偉人鳳翔作令淮陰德音孔昭解澤和惠市人不囂闔角旣折名豪曰消神護名德匪賊所徼官厭其耿民攀其輶昌平奉陵厥稱近

邊公馳大羽以佐化絃卽拜將作夙夜平平翼翼

門惟公落之鬱鬱 慶園惟公度之公之在關商族
娛樂公之典學譽髦斯作羅施告診逆氣交訖投筆
誓衆手驅靈靈安師夜遁荒服用通羯嘯東門夷甫
以驚曲江屈智范陽弄兵普雖小醜機鑿同明括蒼
之政海嶠永清興疾趨難氣掩樞槍繇來許國實顯
忠貞外恢可飾內淳非取旣憲其文亦宣其武令子
國器再弘芳矩爰勒鴻碑永詔南土

誌銘

慈溪馮瀛寰先生墓誌銘

今江左上門稱世貴多賢士大夫者必推慈溪馮氏
馮氏之秀曰瀛寰先生先生幼竒慧七歲能屬文敏
捷有思致自十餘歲已誦數十萬言矣而是時諸父
多貴顯凡宗黨衣冠之會引童子雜問之能人人得
其意云居久之補邑諸生則邑中諸公莫不稱馮君
才願與交歡矣旣以不得志於有司之試則屏居山
中參爻象之奧窮幽明之根晝則誦簡夜則仰觀左
按宮商右筭盈縮當其精妙殆破秋毫蓋學旣成而
群從昆弟又多貴顯先生卒益困然不肯自貶損雖

處窮約晏如也既而慨然曰夫士之享榮利取世資者非我志也且又有命苟敝屣焉而欲聲施於後世我安往不得哉遂託意肥遯放形寥廓發清妙之論絕卷舒之迹然時時爲詩歌文章則又磊落雄壯激揚英發以是知先生非無意當世者也先生性至孝友循循善誘學者多宗之口不言財利然周人之惡不問有無也故馮氏多貴顯稱宗德者必推先生焉先生諱驊字龍友瀛寰者別號也卒於 年 月年

十 所著集八卷古輯三十部詩文百餘篇藏於

故繫廼躬靖廼位崇卑一也豈必有趙孟之知故司
農公守官貞厲凡四方之貢其矛鏃鎧伏者中貴每
持之以要賂賴公以解者甚衆皆太安人能相君子
也已育給諫君長矣又爲司農公置側室息數有加
將以繁夏氏之宗有樛木之德焉及司農公旣卒而
太安人獨縮家政在儉而勗義克勤而好禮給諫君
旣有聲於時而其先吳產也徙京師者三世耳故凡
宗人之遊燕者歸之如家而都人士雅慕給諫君交
業彰矣我安敢吝其瓊玖不嘗以玉之告給諫君名譽

盛於海內者太安人成之也及給諫君成進士爲司
農郎監德州倉太安人板輿就官舍晨夕以勗曰昔
爾父以守藏吏尚能慎厥守以不墮於職今爾奉
璽書治粟結轂之會可不勉歟給諫君謹受教德廢
舊稱積羨軍興以來改解津門而以邊軍運皆仰食
於德費甚鉅太安人聞之曰兒能廉其收而慎其入
寬於放而速於輸庶克有濟矣是以給諫君之治粟
最前後不及也太安人性節儉簡靜寡言好釋氏說
預知終期臨沒給諫君跪請遺言太安人曰不忠忠

敬以事 明主嘗聞之爾父矣小子勗之言不及私
君子以是爲太安人知大義其生也以 年
月其沒也以崇禎 年六月得年 十月 子一卽
給諫君今備兵金衢娶周氏繼娶趙氏孫三煇如迺
知迺哲孫女一人子龍不敏與給諫君稱同年向遊
京師有登堂之敬今又爲給諫君屬吏得聞太安人
之懿行益詳故不敢辭給諫君之請而爲之銘銘曰
肅以順婉以敬辰彼尹姞大鍾慶于妣作妃宜爾姓
君典威池相以正五兵扇鏞靜不震君子有穀賢錫

胤祗敬九粟邦用切 帝命門下升又俊燕之山薊
之川其中應應開原田上貫尾箕兆永堅神阜新奠
司徒阡伊予作銘億萬年